

ს  
ა  
ლ  
ი



შაბათი,  
თიანეთის გ.  
(ანაკრის 25).  
1919 წელი.  
№ 27.  
ფასი 50 კაპ.

საბჭოთა-დემოკრატიული  
ქართული  
ქალაქი  
თიანეთი

გამოდის გრიგოლ ვეშაპელის რედაქტორობით  
ვახუშტის ფასი 1919 წლის დამლევამდე 100 მანეთი,  
ცალკე ნომერი 50 კ. განცხადებათა ფასი მორიგებით.  
ხელის მოწერა და განცხადებანი მიიღება დილის 10  
საათიდან 3 საათამდე.  
კონტორა ქართულ ქარვასლაში, სახანლის ქ. № 5  
ტელეფონი № 18-31.

დამოუკიდებელი ნაციონალური  
პოლიტიკის ორგანო.

### ქართველ მეზობელთ!

#### ქართველთა ლეგიონი

იწყევს მოხალისეებს ახალციხეში მოღალატე-  
ების წინააღმდეგ საბრძოლველად!

მამულიშვილნო, ერთხელ კიდევ დაუმტკიცოთ  
მტრებს ქართველი ხალხის გმირობა!

მოიყარეთ თავი ლეგიონის დროშის ქვეშ!

მისამართი: დიდი მთავრის ქუჩა.  
მეორე ვაჟთა გიმნაზიის შენობა.  
ლეგიონის სარდალი ლეო კერესელიძე.

### ქართველნო, ახლოვდება დამფუძნებელ პრეზის არჩევნები.

ყოველი ქართველი, ვალდებულია მხურ-  
ვალე და შეგნებული მონაწილეობა მიიღოს  
არჩევნებში.

ჩაეწერეთ სიებში, თუ გამოტოვებული ხართ.  
დაიცავით არჩევნებში თქვენი უფლებები.  
დაიცავით თავისუფლება და კანონიერება.

### საქართველოს ეროვნული პარტიის საარჩევნო კლავტორია.

მამულიშვილნო!  
ეროვნული პარტიის ლოზუნგია „საქართველო ჯერ ქართველებისათვის“!  
საქართველომ უნდა მკაცრად თავისი ისტორიული საზღვრები.

ეროვნული პარტია იცავს მტკიცედ  
ქვეყნის საკუთრების ხელუხლებ-  
პრობას, როგორც ქალაქად, ისე სოფლად.

ეროვნული პარტია მოითხოვს, რომ მი-  
წიას საკითხი გარდაწყდეს სახელმწი-  
ფო, და არა ყაჩაღური წესით.

ეროვნული პარტია მოითხოვს, რომ  
სამხელის ჩამორთმევა მოხდეს  
ახლოდ ისეთ შემთხვევაში, როცა ეს სა-  
ჩაროა სხელმწიფო მოსაზრებით (ქართველ  
ქვეყნობა დასახლებებისათვის).

ეროვნული პარტია მოითხოვს, რომ  
საორმა მიწის მფლობელობისა გადი-  
ოქულ იქმნას ყოველგან ადგილობრივი  
პრობებს მიხედვით

ეროვნული პარტია მოითხოვს, რომ ჩა-  
ხართმეულ მიწაში მამულის პატრონს  
რეცეს მისი ფასი.

ეროვნული პარტია მოითხოვს, რომ ნე-  
პლარტული იქმნას მიწების კერძოდ  
ყიდვა-გაყიდვა (ქართველებისათვის)

ეროვნული პარტია მოითხოვს, რომ  
უცხოელებს (ოსებს სომხებს,  
რუსებს) აეკრძალოს მიწის შეძე-  
ნა საქართველოში სანამ არ დაკმაყოფილ-  
დება ქართველი გლეხობის საჭიროება (თავ-  
დაპირველად მიწა უნდა მიეცეს ჯარში  
ნამსახურ ქართველებს)

მამულიშვილნო! არ შეცდეთ! არ მისცეთ ხმა არც ერთ სოციალი-  
სტურ პარტიას: სოციალ-დემოკრატები (მენშევიკები), ფედერალისტები, რევოლიუ-  
ციონერები ყველა ბოლშევიკური ჯურის ხალხია და სულ სხვისი საკუთრების წარ-  
თქვებზე ფიქრობენ; ჯერ სოფელს მორჩებიან, მერმე ქალაქის მესაკუთრებს მისდგე-  
ბიან!

მამულიშვილნო! არ შეცდეთ! არ მისცეთ ხმა არც № 2-ს „ეროვნულ-  
დემოკრატიებს“ (ვახუშტის „საქართველოს“) არც რადიკალ-დემოკრა-  
ტიებს და არც უპარტიო დამოუკიდებლებს ესენი ყველა მენშევიკების მა-  
ჩანაა პარტიები, ნამდვილი ეროვნულ-დემოკრატიული პროგრამა მათ არაა სწამთ  
და ამიტომაც ხელი მოაწერეს ნ. ხომერიკის მიწის კანონებს.

მამულიშვილნო. მხოლოდ, „საქართველოს ეროვნული პარტია“, დაიცავს მტკი-  
ცედ, ისე როგორც „კლდე“ სახელმწიფოებრივ პროგრამას.

ეროვნული პარტია მოითხოვს, რომ  
მოსპობილ იქნას მონოპოლიტიკებისა და  
სპეკულიანტების პრივილეგიები და ქარ-  
თველ ვაჭარ-მრეწველს საშუალე-  
ბა მიეცეს წესიერად აწარმოვოს თავისი  
საქმე.

ეროვნული პარტია მოითხოვს, რომ  
დაუყონებლივ მოხდეს სრული ნაციო-  
ნალიზაცია ყველა დაწესებულებათა  
(თავდაპირველად თფილისის ქალაქის  
თეიმურაზველობისა) და თანამდებობანი,  
რომელიც უცხოელებს აქვთ დაკავებული,  
გადაეცეს ქართველ მოხელეებს.

ეროვნული პარტია მოითხოვს, რომ სა-  
ქართველოს დასაცავად მოეწყოს ერთი,  
მთლიანი სამხედრო ძალა—მუდმივ რე-  
გულიარული ჯარი; ყოველივე  
სხვა გვარი პარტიული რაზმები და გვარ-  
დია უნდა გაუქმდეს.

ეროვნული პარტია მოითხოვს, რომ  
დაცული იქნას ეკლესიისა და სამ-  
ღვდელოების ქონებრივი დოვლათი  
და მთავრობა მეტის პატივის ცემით მოეპყრა  
ქართველი ხალხის სარწმუნოებრივ მოთ-  
ხოვნილებებს.

### ს ი ა № 8

„საქართველოს ეროვნულ პარტიის“ კანდიდატები  
დამფუძნებელ კრების არჩევნებისათვის.

1. ვეშაპელი (ვეშაპიძე) გრიგოლ გიორგის ძე; პარლამენტის წევრი, ვახუშტის „კლდის“ რედაქტორი.
2. ქარუმიძე შალვა ალექსანდრეს ძე; პარლამენტის წევრი; განათლების კომის. წევრი.
3. ვაჩნაძე დავით ვლადიმერის ძე; პარლამენტის წევრი; სამხედრო კომისიის წევრი.
4. გაბაშვილი რევაზ (ლეონიდე) ალექსანდრეს ძე; პარლამენტის წევრი, ვახუშტის კომისიის წევრი.
5. მაჩაბელი მიხეილ ვახტანგის ძე; პარლამენტის წევრი, აგრარულ კომისიის წევრი.
6. ჯავახიშვილი დიმიტრი ვასილის ძე; ექიმი, პარლამენტის ყოფ. წევრი.
7. ცაგარელი ალექსანდრე ანტონის ძე; პროფესორი.
8. სარაჯიშვილი ალექსანდრე თედორეს ძე; მრეწველი.
9. გაბაშვილი ნიკოლოზ სოლომონის ძე; ინჟინერი-ქიმიკოსი, კომერსანტი.
10. ორბელიანი გიორგი ილიას ძე; გენერალი.
11. ჯანდიერი ნიკოლოზ ალექსანდრეს ძე; ექიმი.
12. ელიაშვილი ივანე სპირიდონის ძე; ექიმი.
13. კაპანელი (ქანტურაია) კონსტანტინე გრიგოლის ძე; ლიტერატორი.
14. ეკალაძე ია. (ცინცაძე) იაკობ თომას ძე; ლიტერატორი.
15. ლოლობერიძე დავით სიმონის ძე; ლიტერატორი.
16. კელენჯერიძე დავით ბესარიონის ძე;
17. ციციშვილი ივანე გიორგის ძე; მიწის მესაკუთრეთა „კავშირის“ წევრი.
18. იშხნელი მიხეილ ნიკოლოზის ძე; ექიმი.
19. ლუღუშაური ბართლომე; მღვდელი.
20. ივანიცი ტარასი; დეკანოზი.
21. მამრამე გიორგი გრიგოლის ძე; ლიტერატორი
22. სიღამონ-ერისთავი ვალერიან; მხატვარი.
23. ნიჟარაძე რაფაელ; პედაგოგი.
24. კიკაბიძე ლადო სპირიდონის ძე; სტუდენტი.
25. ქასრაშვილი კსენეფორე ნიკოლოზის ძე; მეურნე.

### თფილისი, თებერვლის 8 საქართველოს ეროვნულ- დემოკრატიული პარტიის კომიტე.

„წყალნი წაიღონ და წამოვლენ  
ქვიშანი დარჩებიანო“.

გარეშე მტრისაგან დამარცხება და რე-  
ვოლიუცია დღეს სინონიმებად გადაიქცა  
და იმიტომ თვით შინაარსი ამ უკანასკნე-  
ლისა არსებითად შეიცვალა. თუ წინად  
რევოლიუცია მოასწავებდა შინაგან ძალ-  
თა განვითარების შედეგს, ეხლა იგი ყვე-  
ლა ძალების სისუსტის მაჩვენებელია მხო-  
ლოდ, ამიტომ არის, რომ უდიდეს სა-

ხელმწიფოებში, როგორც არის ბარბა-  
როსული რუსეთი და იმპერიალისტური  
გერმანია, —რევოლიუციამ მიიღო არა  
მწყობრი ხასიათი ცხოვრების პირობათა ძი-  
რინად გარდაქმნისა, არამედ ანარქიის და  
ქაოსის ელფერი. ამავე დროს გამარჯვე-  
ბულ ქვეყნებში, იმის და მიუხედავად, რომ  
იგინი უფრო ლიბერალური და დემოკრა-  
ტიული გარეგნობისანი იყვნენ რევოლიუ-  
ციამ თავი არ იჩინა, თუმცა თეორიუ-  
ლად, შინაგან ძალთა განვითარებას და  
დემოკრატიის გაძლიერებას უნდა მოჰყო-  
ლოდა იქ უფრო მძლავრი ცვლილებანი,  
რადგან გადაჭრით შეიძლება ითქვას რომ  
ინგლისში გაცილებით უფრო ძლიერია





„ბოგანოთა“ და „ბატონთა“ გასხვავება და საფრანგეთში „უსაქმურ“ რანტიუსა და „მეწარმე“ პროლეტარიატისა და გლეხკაცის შორის.

მაშასადამე თეორია რევოლუციისა, როგორც შინაგან ძალთა დაპირისპირებისა და ბრძოლისა სრულიად დამარცხებულიად უნდა ჩაითვალოს.

ფაქტიურად საერთაშორისო პორიზონტზედ ხდება ძველგზური, ცნობილი დაპირისპირება ერებისა, და ის, ვისი ეროვნული შეგნება უფრო ძლიერია, ვისაც ფიზიკური ძალა შესუსტებული არ არის შინაგანი უთანხმოებით ის უფრო გამარჯვებული გამოდის. ისტორია მეორედება ინგლის—საფრანგეთის დემოკრატია და პროლეტარიატი ისევე თავსარსა სცემს და ბედსა სწყვეტს სხვა ერთა პროლეტარიატისას, როგორც გერმანიის იმპერიალისტები ამხსრვედნენ სხვა ერთა იმპერიებსაც და „ხალხთა მისწრაფებასაც“.

იცვლება მხოლოდ ფორმა, იცვლებიან სახელები და შინაარსი ისევე ისა რჩება. იცვლებიან სიტყვები და საქმენი იგივენი არიან იმდენად, რომ ხშირად არ იცი ვისთანა გაქვს საქმე: პრეზიდენტთან თუ იპერატორთან, დემოკრატის ბელათან თუ ძველგზურ პრინციან.

აქედან შეიძლება ის დავასქნათ, რომ ჩვენი, პატარა ქვეყნის, ყოფაქცევა უნდა შეუფარდოთ ამ მდგომარეობას და არ მოვატყუებინოთ თავი არც საერთაშორისო სიტუაციას და არც ჩვენებურ სიბეცეს. ჩვენს დემოკრატისა ჰგონია, რომ საერთაშორისო ასპარეზზედ რაღაცა ახალი, ისეთი არა ჩვეულებრივი ხდება, რომ შესაძლებელია პატარა ერთთავის ჭკარგი რამ გამოიქედოს და ამიტომ „სულ ნაკლებ ყურადღებას აქცევს სწორედ იმ შინაგან ძალთა გაძლიერებას, რაზედაც ვითომ თეორიულად ამაგრებს მათელ თვის ძლიერებას. დემოკრატის დარაზმვა მარტო იმაში კი არ უნდა იხატებოდეს, რომ ბიულეტენი № 1 ჩაავლას ხალხსა საარჩევნო ყუთებში, არამედ იმაშიც: უმთავრესად, რომ ფარგალი თვისი „ბატონობის“, გაშალოს ე. ი. თვისი სამშობლოს საზღვრები მტკიცედ დაიცვას... თუნდაც „კონტრევოლუციის“ წინააღმდეგობის სახელით, ვინაიდან საქმე სახელში ხომ არ არის.

და აი, თუ ამ თვალსაზრისით შეხედავთ ჩვენს საერთაშორისო მდგომარეობას, უნდა ვსთქვათ რომ მეტად სუსტნი ვართ. და დღეს თუ საბოლოოდ არა ვართ გასრესილნი, მხოლოდ იმიტომ რომ არეულია მთელი ქვეყანაც ჩვენს ვარშემო. მაგრამ ერთი დაქროლება საკმარისი რომ სამუდამოდ ავივანეთ პირისაგან ქვეყნისა.

სანამ აქ გერმანელები იყვნენ და თანაგრძობას გვიცხადებდნენ, რამდენადაც ეს მათ ინტერესებს შეეხებოდა, ჩვენ არ ამოვწურეთ ყველა ძალდონე რომ ჩვენი ინტერესებიც დაგვეცა და გავკემტვიცებინა. დაეკარგეთ ძვირფასი ექვსი თვე, რომელიც სამშობლოს მაგიერ სოციალ-დემოკრატის პარტიულ ინტერესებს შეეწირა. და ვკარგავთ ამავე მიზნით შემდეგ ექვს თვეს. საჭირო კია დავანებოთ თავი გეგმეკორისებურ ლამენტაციებს, რომ ჩვენ არ შეგვიძლიან ომები, რომ ჩვენი ბედი განსაკუთრებით დიდ სახელმწიფოთ ხელშია, რომ საერთაშორისო კონფერენცია და ხალხთა ლიგა იქნება ჩვენი ლაღა და სხვა, რასაც ყოველდღე მწყალობელი დედაბერივით წუწუნებს გაზ. „ერთობა“. უნდა მკაფიოდ გვახსოვდეს რომ დიდსახელმწიფოები იმდენად გავიწვევენ ანგარიშს, რამდენადაც ჩვენს ძალასა და მდგომარეობას დანახვენ და წინასწორობისათვის სათვალავში ჩისადგენ სიმძიმედ დაგვსახვენ, თორემ თუ ისეთი სუსტნი და ლაზარნი ვიქნებით, რომ სომხისთანა, რიც და მანუ პატარა პროვინციების ომს გამოვვიცხადებენ და დაგვჯაბნიან, — ჩვენ გამოხრული ძვლივით იმ ძალის მიგვიგდებენ, რომელსაც უფრო დაღესილი ექნება კბილები და მაშინ გააკვირვოს ქვე-

ჩანა ჩვენმა დემოკრატებმა თვისი გამოფიტული სიტყვებით: ჩვენ ძმობა სოლიდარობა გვინდა ყველა ერებთან, ჩვენ სიმშვიდეს მოყვარული ვართო. „ვისაც მშვიდობიანობა სურს, ის ომისთვის მუდამ მზად უნდა იყოს“ — ეს უკვდავი იდეა ერთხელ „ერთობის“ კვილეცია ფურცლებზედაც კი ეწერა. და ბრმა უნდა იყოს ადამიანი ან შეგნებული მოღალატე, რომ არ ხედავდეს დღესა, რომ სიტყვები, როგორც წყალნი მიდიან და მოდიან და საქმენი და აზრი ცხოვრებისა ქვიშასავით იგივეს ილეკავს. და თუ ჩვენ სოციალ-დემოკრატისა ვერ შეუტყლია, სიტყვები, — ყოფაქცევა შეიცვალოს ისე, რომ საერთაშორისო ასპარეზზედ ჩვენ გამოვიდეთ როგორც ერის ღირსების შეგნებული დამცველნი და არა ლაზარნი ფინია, რომელიც დიდი დღების ხმაზედ იწყაფწყავენს მარტო.

### ჩვენი პროვინციები და ჩვენი პოლიტიკა.

ის რაც ხდებოდა ამ ბოლო წელიწოდებში ჩვენს განაპირა პროვინციებში და რაც ხდება დღეს ძველ ჯავახეთში და გეგუთებით მოითხოვენ ჩვენგან იმ პოლიტიკის გადასინჯვას, რომელსაც აწარმოებდა ჩვენი მთავრობა ამ განაპირა პროვინციებში. ვენ. მაზნიაშვილის დებემა, ჩვენი ჯარის გამარჯვება და გაქრობა ამბოხებისა სრულიად არ აქარწყლებს და არ სპობს ამ საკითხის სიმწვანეს. პირიქით სწორედ გამარჯვებულთ გვმართებს და გვაქს იმის შეძლება, რომ დინჯათ და დამშვიდებით გადასინჯაოთ მთელი წარსული ჩვენი მოქმედება და თუ შეგვწევს სახელმწიფოებრივი შეგნება და თავგანწირვა უარი ვთქვათ და აღარ გავიმეორეთ შემცდარი ნაბიჯები. დღიდან რევოლუციის აშლისა სოციალ-დემოკრატია აწარმოებდა ამ პროვინციებში პარტიულს, კლასობრივს პოლიტიკას და თავის გეგმობრივს განმტკიცებას ამყარებდა რევოლუციონურ მუშათა, გლეხთა და ჯარისკაცთა ორგანიზაციებზე.

ჩვენმა მთავრობამ, მთავრობამ ეროვნული სახელმწიფოსი, მთლათ იანდერძა ეს კლასობრივი პოლიტიკა და ოდნავი კორექტივების და შესწორების შეუტანელად მიმართავს მას დღესაც. ყველაფერ აფხაზეთში თუ ჯავახეთში, მთავრობის პოლიტიკა ცდილობდა მოგვემხრო ესა თუ ის ნაწილი საზოგადოებისა და გავგეთიშა მეორე. ანგარიშს უწევდენ მხოლოდ კლასობრივს მოთხოვნილებას და ამ კლასობრივი ინტერესების ერთგვარობაზე უნდადოთ აქმენებინათ მძლავრი შენობა მთლიანი საქართველოსი.

ამ პროვინციებში პირველადვე, როცა კი მოგვეცა საშუალება დაარსებულ იქნა მუშათა და ჯარისკაცთა საბჭოები. მაგრამ, როდესაც ამ ორგანიზაციებმა გათიშვის მეტი არაფერი შეიტანეს ჩვენსა და ადგილობრივ მკვიდრთა შორის, მაშინ მესამე ორგანიზაციის გლენთა საბჭოებს მიმართეს. გაიხსნათ გინდ აფხაზეთი. მუშათა და ჯარისკაცთა საბჭომ, საცა უმთავრესათ სოციალისტური ქართველობა იყო მთლათ გათიშა აფხაზობა, ვინაიდან მათ თვის საზოგადოებრივ შემადგენლობაში არ აღმოჩნდათ არც მუშები (ქალაქისა) და არც ჯარისკაცები.

ეს პირველი დამრღვევი საწამლაი განდღათ, რომელიც კი გადაესხა საქართველოს მთლიან შენობას.

ვინც იყო იმ დროს სოხუმში, იმან იცის საქმე.

დიდი წინასწარი მუშაობის შემდეგ ჩვენმა სოციალ-დემოკრატთა ავგენტებმა მოაწყვეს გლენთა ყრილობა და მიადებინეს აქ დაწერილი რეზოლუცია.

კავშირათ თვისა და აფხაზ გლენთა შორის აგრარული რეფორმა დიდდეს. მაგრამ მეტათ სუსტი გამოჩნდა ასეთი კავშირი. როდესაც კი გამოჩნდა ძალა, რომელიც მეტს მოშიბოდავს კლასობრივს ბედნი-

რებას პირდებოდა, ძალა ბოლშევიკური-სასწორმა იქით გადახარა ადგილად დაირღვა „პროგრამა“ და ერთხელ გადახრილმა სასწორმა ცუდის მომასწავებელი ქანაობა დაიწყო, ვინც კი უნდა შემდგარიყო მანუდ, ოსმალო იქნებოდა ის თუ ასევე იყო იჯარაში, რუსი მოხალისე. ასევე ხდება ჯავახეთში. ჯავახეთში საქართველოს ეროვნული ძალა შევიდა პირველად.

შემდეგ გადაიარა პარტიულმა, სოციალ-დემოკრატულმა მიმდინარეობამ და შობის წინააღმდეგში მოვაწყვეთ გლენთა ყრილობა ახალქალაქში, აქაური კაცის თავჯდომარეობით და გამოვატანით ამ დაწერილი რეზოლუციები.

გვახსოვს ჩვენს გავნებებში ამ ფაქტს ისე უყურებდენ, როგორც ჩვენი საქმის სრულს გამარჯვებას. ჩვენგან „საქართველოელნიც“ კი ჩაითრია ამ ამბავმა და ისინიც „სოციალიზმით“ აპრობდენ და აპრობენ დღესაც ამ პროვინციების დაპყრობას. აი დღესაც ჯავახეთში გლენთა ყრილობა გახლავთ. ყრილობას თავჯდომარეობს სოც. დემ. ექვთიმე მიქელაძე — კაცი, რომელმაც თავისი სოციალ-დემოკრატული სკოლა ბაქოს ქარხნებში მიიღო და ისეთივე დამომხატველი გახლავთ იქაური ინტერესებისა, როგორც ყოველივე სოციალ-დემოკრატია. სხვა მომხსენებელათ გახლავთ ბ. რუხაძე, ჩვენი მთავრობის საგანგებო რწმუნებული, რამიშვილი ტერ-სტეპანოვი, ჩვენკელი და ანანიაშვილი — ყველანი მთავრობის მოხელენი. ესენი არიან მომხსენებელნი, ესენი არიან მოკამათენი. ესენი არიან რეზოლუციის შემტანნი და მისი გამომტანნიც.

იღებს მონაწილეობას „ამხანაგი დავიდიანიც“, რომლის მხურვალე სიტყვას საქართველოს რესპუბლიკის ღვაწლზედ სომხის გლენობა თუ რამე „კეცე ვარასთან“ — ის (გაუმარჯოს საქართველოს) ძაბილით ეკებება. ეს გახლავთ გლენთა ყრილობა და ჩვენში იგი ისეთ ოპტიმიზმს ვერ გამოიწვევს, როგორსაც იწვევს არამც თუ მარტო სოციალისტურ პრესაში, არამედ „საქართველოშიც“ (№ 28 — მოწინავე.) ჩვენ ერთათ ყოფნის დროს „საქართველო“ სხვანაირად ფიქრობდა: აგრარულ რეფორმის დიდს შემომკრებ ძალაზედ დაქაქსულ საქართველოს პროვინციის შემოკრებისათვის“ და სხვანაირად ლაპარაკობდა მისი წარმომადგენელი ბ-ნი გვახავა ეროვნულ საბჭოს ყრილობაზედ ამიერ კავკასიისათვის კონსტიტუციის შემუშავების დროს. ჩვენ კვლავ ძველებურადა ვფიქრობთ.

პარტიული, კლასობრივი გზა საქართველოს ვერ ვამთვლებს. თუ სოციალ-დემოკრატია სხვა გზა არ იცოდა, გარდა კლასობრივი კავშირისა და პროლეტარიატთა კავშირის უქმედებარებდა და უქმედებარებს ისეთ ცხოველ მყოფელ ფაქტორს, როგორც ეროვნული სახელმწიფოებია და იგი დღესაც ამ გზას ადგია, ეროვნული სახელმწიფოს მთავრობა ამ გზას ვერ დაადგება და ვერც ერთი ეროვნული პარტია ამას ვერ გაიზიარებს. საქართველოს დაქაქსული პროვინციების აღსადგენათ მანჩიჯი ეს გზა. თუ გინდათ ცენტრალიზმის გზითა იარათ, მაშინ თავი დაანებეთ ასეთ კრიმინალურებს და შესაფერი სისასტიკე და პოლიტიკა გამოიჩინეთ, თუ ადგილობრივი ინიციატივა გინდათ ამუშაოთ და ადგილობრივ საზოგადოებრივ აზრს დაემყაროთ — მაშინ რა შუაშია ან „გენერალ-გუბერნატორების“ თავჯდომარეობა ან აქაური რეზოლუციები, ან „კეცე ვარასთან“, დავიდიანისა, რომელიც ვინ იცის რას იძახდა ამ ორი თვის წინათ!

რამდენჯერ წავიტებთ კისერი ამ გზით. ჩვენი გზა ცოტა სხვა იყო. ასეთი გათიშვა იმ ძალებისა, რომელთაც კიდევ შეჩინათ ჩვენი კულტურის და ტრადიციის ნიშანწყალი-დანაშაულია. გვაგონდება აფხაზეთის საუკეთესო წარმომადგენლის ბ. პეტრე ანჩიბაძის სიტყვები. „გლენი

შეიძლება დაინტერესოთ მიწით, მაგრამ რას იზამთ მაშინ, რამდენად შეიძლება მიწის მიცემა მთელს საქართველოს არა პროგრამის რომელიმე ეკონომიურ მუხლისათვის, არამედ მოვედეთ ჩვენ კულტურას, ჩვენს ტრადიციას, ჩვენ წარსულს და ჩვენს მომავალსო“.

და ჩვენ გვწამს კვლავ, რომ სწორედ ამ ეროვნული ტრადიციისა და საერთო კულტურული ძალების აღდგენა არის ერთა უმთავრესი ძალა საქართველოს გამთენიებისა. და როდესაც კი დავდგომივართ ამ გზას-გაგვიმარჯვია. ამ გზით იყო, რომ აფხაზეთი ავტოკეფალიზმის გამოცხადების პირველ ხანებში, როდესაც იქ ჯერ კიდევ რუსის ღვდელი და რუსის ფული ტრიალებდა და აქედამ კი ბოლშევიკთა ემელონები არ გახვეტილიყვენ, არ განუდგა საქართველოს ეკლესიას.

ამ გზით გახლავთ ერთი ბათალიონით ორი მაზრა რომ დაიჭირა სარდალმა გენ. მაყაშვილმა, რომელსაც ჩვენ მთავრობის „არა პარტიულ-სოციალისტური“ დეკრეტი უძღოდა წინ. და ეს გზი გახლავთ, რომელმაც აიძულა ჩვენი სოციალ-დემოკრატია ამ პროვინციებში თავის სიაში შეეთქსმეტე, მეოცდაცხრა და ორმოცდა შესამე კანდიდატებათ შეუტანიათ გვირგვინოსანი თავადების და „სანჯაბ-ბეგების“ წარმომადგენელნი ისინი-ვისაც სწორედ ეროვნული ტრადიცია და კულტურა იზიდავს აქეთ. პარტიულის, კლასობრივის გზით იქნებ რეზოლუციაც გამოიტანოთ, ტაშიც დიამსახუროთ, ნავთისა და შაქრის დაზიგებით იქნებ ხმებიც მიიღოთ ყუთებში — მაგრამ ამით საქართველო ვერ ვამთვლებთ. მას სჭირია საღი ეროვნული პოლიტიკა.

### საქართველოს ამბები.

**პარტიული კრება.**  
საქართველოს ეროვნულ პარტიის ვერის რაიონის ბიურო ამით აუწყებს პარტიის წევრებს და თანამგრძობთ რომ კვირას 9 თებერვალს საღამოს 5 საათზე დანიშნულია კრება ოლღას ქ. № 52 მაჩაბლის სახლში კრებაზე გააკეთებენ მოხსენებას და მფუძნებელ კრებისა და არჩევნების შესახებ მთავარ კომიტეტის წევრები.

**პოლიტექნიკუმის დახმარებაზე უარის თქმა.**  
მთავრობის მიერ უარყოფილ იქნა თფილისის პოლიტექნიკუმის შუამდგომლობა დახმარების აღმოჩენის შესახებ.

**ინგლისელთა მთავარ ხარდლ-ს წასვლა ყარსში.**  
კავკასიაში მყოფ ინგლისურ ჯარების მთავარსარდალი უოკერი ყარსში გაემგზავრა.

**ინგლისური ჯარის გაგზავნა ყარსში.**  
გუშინ ყარსში გაიგზავნა ინგლისური ჯარის განსაკუთრებული რაზმი.

**ბრძოლა სოჩის საზღვარზე.**  
თფილისში კერძო ცნობები მოვიდა, რომ სოჩის ოლქის საზღვარს დაესხნენ ჩრდილოეთიდან. საზღვართან ამ ჭამათ ბრძოლა სწარმოებენ.

**საქიმიო პერსონალის გაფიცვა**  
არამიანის სახელობის სახანდინთა საავადმყოფოში ავადმყოფთა მომვლელებმა მოითხოვეს ჯამაგირის მომატება 1000 მანეთამდე. რადგანაც ქალაქის გამგეობამ დღემდე გადაწყვეტილი პასუხი არ გასცა მათ ხსენებულ საავადმყოფოს საქიმიო პერსონალმა გადასწყიტა გაიფიცოს.

### ახალშინის ომი.

სამხედრო მინისტრს გენერალ მაზნიაშვილისაგან შემდეგი დებემა მოუვიდა: „დღეს, 5 თებერვალს დავიწყე ერთიანი შეტევა და 16 საათის განმავლობაში ბანდებისაგან შემდეგი სოფლები გაეცქმინდნენ! ჩხარტი, ჩიხრა, მიქელ წმინდა, ჩორგუთი, ფარცხა და ჩიხელი. ხვალ მოქმედებას განვაგრძობ.“



### საპარტიოების რევიზია

ყველა მოქალაქეთა საყურადღებოთ ცხადდება, რომ იუსტიციის მინისტრის წინადადებით მოწვეულ კომისია თფილისის № 1 და № 2 საპარტიოების და ავტოლის ახალ-ახალშენის მცირე წლოვან და მანაშავეთა კოლონიის სარევიზიოთ, ყველა იმ პირთ, რომელთაც საჩივარი აქვთ ან რაიმე ცნობა ბოროტ-მოქმედების შესახებ, შეუძლიათ მიმართონ, როგორც წერილობით, აგრეთვე ზეპირად, დასახელებულ კომისიას, რომელიც მოთავსებულია ყოფილ მესამე სამოქალაქო დეპარტამენტში, საპრობილევში კი, სარევიზიო კომისიის მორიგ წევრებს ვ. ა. ნეკოპოლიცკის და მ. ლ. რელიკის № 1 საპრობილევში სამშაბათობით 12—1 საათამდე, № 2 საპრობილევში ხუთშაბათობით 12—1 საათამდე.

### უცხოეთის ამბები

#### ტელეგრაფი.

საქართველოს სააგენტოსი.  
იპონია და რუსეთის სამხრეთი.

ტოკიოდან რადიოთი იუწყებიან, რომ იპონია დაინტერესებულია რუსეთის სამხრეთ ნაწილთან დამოუკიდებელ განწყობილებებში. როგორც კი გაიხსნება საეკონომიკური გზები, იგი ამ მხრივ საჭირო მუშაობას დაიწყებს.

#### ჩეხოსლოვაკები და დიდი სახელმწიფოები

ჩეხოსლოვაკთა დელეგატებმა კრამაში და ბენეშმა დიდ სახელმწიფოთა წარმომადგენელთა კომიტეტს ოთხშაბათს გააცნეს თავის ქვეყნების მოთხოვნილებანი. ბენეშმა გააკეთა ისტორიული მიმოხილვა ჩეხოსლოვაკიისა, მან აღნიშნა, რომ მიუხედავად გერმანიისა და ჰუნგრეთის მხრით დევნა-შევიწროებისა ეს ხალხი სათავსოში ჩაუდგა ავსტრიის სლოვაკურ ერებს ინტელექტუალურად, ეკონომიკურად და სოციალურად: დასასრულ დელეგატმა ითხოვა: 1) ახალი რესპუბლიკის ტერიტორიაში შევიდეს; ბოჰემია, მარავია, სილეზია სლოვაკია, ჰუნგრეთის ის ნაწილი, სადაც რუსინები სცხოვრობენ, ვლახეთის და დემალბორის ოლქები და დასასრულ... (გაუგებარია). ადგილები, სადაც ჩეხოსლოვაკები სცხოვრებენ. 2) დამყარდეს საერთო შორის საზღვარი ჩეხოსლოვაკებსა და სამხრეთის სლოვაკების შორის. 3) დიდი მდინარეები ებრა, დუნაი და ვისლა, აგრეთვე რკინის გზები პრესბურგ-ტრესტი, პრესბურგ-ფიუმე, პრაგა-ფურტი, ნიურენბურგ-სტრასბურგი ინტერნაციონალურად გამოცხადდეს; 4) ვენაში მცხოვრებ ჩეხოსლოვაკთა, რომელნიც ქალაქის მცხოვრებთა მეთხუთმედ ნაწილს შეადგენენ და საქონიაში მცხოვრებ სერბიელთა საკითხი გადაწყდეს შეთანხმების სახელმწიფოთა პრინციპების თანხმით.

#### პოტსდამის საბჭო.

როცა გამოაშკარავდა 1914 წ. 5 თებერვალს პოტსდამში მოწვეულ საბჭოს ამბავი ვოლფის სააგენტომ და გერმანიის რადიოსადგურმა დაგზავნეს დეპეშები, სადაც უარყოფდნენ ამ ამბავს. საფრანგეთის რადიოდეპეშები აღნიშნავენ, რომ ამ უარყოფას მიზნათ ქონდა თვლი აეხვია საზოგადოებისთვის. შესაძლოა მან გავლენა იქონიოს მათ ვინც არ იცნობს საქმეს. მაგრამ ვინც საქმეს გაცნობილია, ეს უარყოფა კიდევ ერთხელ ადასტურებს ფაქტს. ნაუენმა, რომელიც დაიჭირეს თავის ტყუილებში, პასუხათ არაფერი სთქვა. სამი კვირის შემდეგ, 1918 წლის 15 მაისს, საფრანგეთის რადიოდეპეშებმა აღნიშნეს ეს სიჩუმე, მაგრამ ნაუენი კვლავ სდუმდა, საინტერესოა აღვნიშნათ, რომ პოტსდამის ამბის შესახებ ბერნში სიმართლე ილაპარაკა ფრიდრიხ ადლერმა. ოდესმე დაწერილებით გამოირკვევა თუ რა მოხდა პოტსდამის საბჭოში, რომელმაც უმაგალითო დანაშაულობა ჩაიდინა.

## არჩევნების გარეშე.

### ეროვნულ პარტიის ცენტრალური საარჩევნო კომიტეტი.

საქართველოს ეროვნულ პარტიის ცენტრალურ კომიტეტთან არსებული დამფუძნებელი კრების ცენტრალური საარჩევნო კომიტეტი მოთავსებულია ვახ. „სალი კლდის“ რედაქციის ბინაზე სახელის ქუჩა № 5. ყველა პარტიულ ორგანიზაციებს საჭირო ცნობების და საარჩევნო ლიტერატურის მიღება შეუძლიათ ხსენებულ საარჩევნო კომისიისაგან.

იქვე შეუძლიათ მიიღონ საჭირო ცნობები, განმარტებები და ლიტერატურა პარტიის ყველა წევრთ და თანამგზავნობთ. კომისიის წევრთა მორიგეობა ყოველ დღეა, დილის 10—2 საათ. და საღამოს 5—7 ს.

არჩევნები კარს მოგვადგა თითო წუთი ძვირფასია არ დაჰკარგოთ დრო იმუშავეთ განუწყვეტლივ ჰბეჭდეთ პლაკატები: ფურცლები, მოწოდებანი აფიშები, ნუ შეგაკრთობთ მომუშავეთა სიცოცხლე. შემოიკრიბეთ გარს ყველა ამხანაგი ქალი კაცი, ახალგაზრდა, მსწავლელები და მოსწავლე. ვინც პირადი საქმის გამო დააკლდება პარტიულ მუშაობას, მას არ ჰყვარება საქართველო მხნეობა და მოქმედება. ბრძოლა და გამარჯვება. ცენტრალური საარჩევნო კომიტეტი ავალებს ყველა პარტიულ ორგანიზაციებს და იმ პირთ, რომელთა კომიტეტისაგან მიღებული აქვს რაიმე დავალება, სწრაფად აცნობონ ცენტრალურ კომიტეტს საქმის ვითარება, და ყოველი საყურადღებო ცნობა, რომ საარჩევნო კომისიაში შესაძლებელი იქნეს ყველა პარტიულ დაწესებულებათა მტკიცე ორგანიზაციაში შეყვრა.

- 1) პრობანდისტები ქუთაისის გუბერნიაში მოახლოვეთ ქუთაისის საგუბერნო საარჩევნო კომისიას, თფილისის გუბერნიაში ცენტრალურ საარჩევნო კომისიას.
- 2) უნდა მოაწყონ დაუყოვნებლივ საარჩევნო კომისიები ყველა იმ პუნქტში, სადაც ყუთები იდგმება.
- 3) ყველა საარჩევნო კომისიაში უნდა გაგზავნოთ ჩვენი წარმომადგენელი.
- 4) ხარჯებს უნდა გაუძღვეთ როგორმე ადგილობრივ, ცენტრიდანაც დაგებმარებით.
- 5) ყოველი ცნობები მიაწოდეთ საგუბერნო და ცენტრალურ საარჩევნო კომისიებს.
- 6) აწარმოვეთ დაწვრილებითი ანგარიშები, რომელსაც წარმოუდგენთ ცენტრალურ კომისიას მუშაობის დასრულების შემდეგ.

#### ცენტრალური საარჩევნო კომიტეტი.

### პარტიულ ორგანიზაციათა მოვალეობა დამფუძნებელ კრების არჩევნებში

1. ყველა ორგანიზაციამ და საარჩევნო კომისიების ყოველივე წევრმა უნდა შეიძინოს „დებულება დამფუძნებელი კრების არჩევნებისა“, ვახ. „საქართველოს რესპუბლიკის“ ოფიციალური დამატება.
2. როდესაც შესდგება საქალაქო, ქალაქის საუბნო, სამაზრო, სოფლის საზოგადოების და სოფლის წვრილი საარჩევნო ერთეულების კომისიები, ორგანიზაციებმა უნდა წინასწარ მიიღონ ღონისძიებანი, რომ თავისი წარმომადგენელი იყოლიონ.
3. გარდა ასეთი წარმომადგენლობისა, როცა ჩვენი პარტიის საკანდიდატო სია იქნება წარდგენილი ცენტრალურ საარჩევნო კომისიაში, ზემოდასახელებულ კომისიებში უნდა გაგზავნონ თითო წარმომადგენელი პარტიისა.
4. პარტიულმა ორგანიზაციებმა უნდა მიაქციონ უდიდესი ყურადღება, თუ სად იდგმება საარჩევნო ყუთები და არ გამოჩნდეს არც ერთი ყუთი უწარმომადგენლობით.

5. ორგანიზაციებმა უნდა დაავალონ თავის მიერ გაგზავნილ წარმომადგენლებს კომისიებში, რომ არ გამოისტოვონ კომისიის არც ერთი სხდომა, ერთი წუთითაც არ მოშორდნენ ყუთის არჩევნების წარმოების დროს, ყოველთვის აცნობონ პარტიულ ორგანიზაციას რა ხდება საარჩევნო კომისიებში, მოითხოვონ კომისიებში „დებულების“ სასტიკი დაცვა და ყოველივე დარღვევა დებულებისა შეიტანონ ოქმებში.

6. ჩვენმა წარმომადგენლებმა კომისიებში უნდა სასტიკი მეთვალყურეობა დაიჭირონ, რომ რაიმე მიზეზის გამო არ დაბრკალდეს ჩვენი საკანდიდატო სიების (საარჩევნო ბარათების) და კონვერტების დროზე დაგზავნა და გამოქვეყნება ყველა არსებულ საარჩევნო კომისიებისთვის და ამომრჩევლებისთვის.

7. ორგანიზაციებმა უნდა თვალყურით ადევნონ, რომ ადმინისტრაცია არ ჩაერიოს არჩევნების წარმოებაში, არავითარი ძალმომრეობა არ მოახდინოს ან დაშინება ამომრჩევლისა. ყოველივე ასეთი შემთხვევა უნდა აცნობოს სათანადო საარჩევნო კომისიის და პარტიულ ცენტრალურ საარჩევნო კომიტეტს.

8. ყოველმა ორგანიზაციამ უნდა შეჰქმნას საგანგებო საარჩევნო პარტიული კომისიები: საქალაქო, სამაზრო, სოფლის საზოგადოების და წვრილი სასოფლო ერთეულებისა.

9. ქუთაისის გუბერნიაში და სოხუმის ოლქში გარდა ზემოდ ჩამოთვლილ პარტიულ საარჩევნო კომისიისა უნდა იყოს საგუბერნო და საოლქო კომისიები.

10. პარტიულ საარჩევნო კომისიებს ვეალბით: თავის სამოქმედო რაიონში არ გამოისტოვონ არც ერთი ამხანაგი, რომ ამომრჩეველთა სიაში არ იყოს შეტანილი და ამრიგად არ დაჰკარგოს ხმის უფლება, დაარიგონ და გააერცლონ მოწოდებანი, პლაკატები, საარჩევნო ბარათები, ბროშურები. გამართონ პარტიული კრებები და საჯარო მიტინგები პარტიის ლოზუნგების ხალხში გასატანად. შეჰქმნან პროპაგანდისტების კადრი და დაგზავნონ ყველა საარჩევნო რაიონებში.

11. ქუთაისის საგუბერნო, სოხუმის საოლქო და თფილისის გუბერნიის სამაზრო საარჩევნო კომისიებს ვეალბათ მკიდრო კავშირი დაიჭირონ თავის მოქმედების დროს პარტიის ცენტრალურ საარჩევნო კომიტეტთან და აგრეთვე თავის რაიონში მოქმედ სხვა კომიტეტებთან ყოველივე საჭიროება ან და ნაკლი საარჩევნო მუშაობისა სასწრაფოდ უნდა აცნობონ საცა ჯერ არც.

12. პარტიულმა ორგანიზაციებმა უნდა მიიღონ ენერგიული ზომები პარტიულ საარჩევნო კომისიებისთვის საჭირო თანხის შესაძენად შეადგინონ საგარეულო ხარჯთაღრიცხვა და აცნობონ ცენტრალურ კომიტეტს.

13. ორგანიზაციებს არ უნდა გამოჩნდეს არც ერთი პარტიული ძალა გამოუყენებლივ.

### საქართველოს ეროვნულ პარტიის ცენტრალური კომიტეტი.

**პარტიულ ახალგაზრდობას.**  
საარჩევნო კომისია დაიწყო. არჩევნების შედეგი ჩვენს მუშაობაზედ არის დამყარებული. ეროვნულ პარტიის ახალგაზრდობა უნდა ამოქმედდეს მთელი თავისი ენერგიით. ყოველი პარტიის წევრი და თანამოაზრე უნდა გამოცხადდეს პარტიულ კომიტეტებში და მიიღოს სათანადო დავალება. თფილისში მყოფნი უნდა გამოცხადდნენ მთავარი კომიტეტის ბინაზე, სადაც იმყოფება ცენტრალური საარჩევნო კომიტეტი და ჩაებან საარჩევნო მუშაობაში. ყოველი კაცის გარჯა დიდ ნაყოფს გამოიღებს!

ესლა გულგრილობა დალატია პარტიისა და სამშობლოსი, ყველაფერი დაგდეთ და არც ერთი ხმა არ დაუთმოთ პარტიას. ჩვენ გვაკლია შრომითი მალეობი, თქვენ ქალებო, სტუდენტებო, მოწაფეებო, ახალგაზრდებო ყველა, ვისაც სურს, რომ დამფუძნებელ კრებაზე გაისმოდეს ეროვნული პოლიტიკის ძალუმი ხმა, მოდით მუშაობის გასანაწილებლად.

### არჩევნების გარეშე

ადმინისტრაცია და არჩევნები.

დამფუძნებელ კრების ცენტრალური საარჩევნო კომისიამ დაადგინა, რომ იმ ამომრჩეველთ, რომელთაც საადმინისტრაციო თანამდებობის ალაგები უყავიათ, მომავალ არჩევნებში არ შეეძლოთ გამოსვლა, როგორც ადმინისტრაციულ პირთ, ერთი თუ მეორე პარტიის ინტერესების დასაცველად. ამასთან დადგენილია მიმართოს შინაგან საქმეთა მინისტრს თხოვნით, გამოსცეს ამის შესახებ სათანადო ბრძანება და ყველა ადმინისტრაციული პირნი, ვინც დაარღვევს ამ განკარგულებას გადაყენებულ იქნეს თანამდებობიდან და მიეცეს სასამართლოში.

### დამფუძნებელ კრების არჩევნები.

ცენტრალურმა საარჩევნო კომისიამ უფლება მიანიჭა პარტიებს მათი ბიულეტენების მიღებისა და დარიგების მაზრაში. ნაწილი ბიულეტენებისა, კანონის ძალით, ყველა ყუთებთან უნდა დარჩეს. დანარჩენი ბიულეტენები უნდა თვით დაარიგონ პარტიებმა, ანუ თუ მათ ამაზე უარი განაცხადეს და ბიულეტენების მიღების შემდეგ ერთი დღის განმავლობაში არ წაიღეს სამაზრო, ანუ საქალაქო კომისიიდან, სამაზრო კომისია თვითონვე უგზავნის ბიულეტენებს სასოფლო კომისიებს. უკანასკნელნი კი დაუყოვნებლივ ურიგებენ ამომრჩეველთ იმ პარტიების ბიულეტენებს, რომელთაც თვითონ არ უქისრიათ დარიგება.

პარტიებს უფლება აქვთ სამაზრო კომისიიდან ბიულეტენების ერთი ნაწილი გაიტანონ მაზრის ამა თუ იმ რაიონისთვის. ამ რაიონში უკვე კომისიები პარტიის ბიულეტენებს აღარ დაარიგებენ.


საქართველოს ეროვნული პარტიის სამაზრო ორგანიზაციებს ვეალბათ სამაზრო კომისიიდან ბიულეტენის გატანა იმ რაიონებისთვის, სადაც სამაზრო კომისიის საიმედო პირები ყავს აჩენილი, ბიულეტენების დასარიგებლად სადაც პარტიის ასეთი პირები არ ყავს, იქ თვით სასოფლო საარჩევნო კომისიებმა უნდა დაურიგოს ყველა ამომრჩეველს ჩვენი პარტიის ბიულეტენები.

### რა უნდა იცოდეს ყოველმა ამომრჩეველმა

(ამონაწერი დამფუძნებელი კრების არჩევნების განხილვის).

1. საარჩევნო ბარათების მიცემა და დათვლა
2. ხმის მიცემა სწარმოვებს საარჩევნო ბარათებით.
3. საარჩევნო ბარათები გარეგნობით ერთნაირი უნდა იყოს.
4. თვითთული საარჩევნო ბარათი უნდა შეიცავდეს ერთ-ერთ გამოცხადებულ საკანდიდატო სიას; ამ სიაში არავითარი ცვლილების შეტანა არ შეიძლება, არც ერთი კანდიდატის მეორის ადგილზე გადატანა. ბარათს უნდა ჰქონდეს ნუმერი საკანდიდატო სიისა და სახელწოდება ამ სიის წარმომადგენელი ორგანიზაციისა, თუ მას ორგანიზაციის სახელი აქვს დართული.
5. კონვერტები საარჩევნო ბარათებისთვის უნდა იყოს ერთნაირი, არაგამკვირვალ სუფთა და ზედ უნდა იყოს დასმული ბეჭედი ცენტრალურ საარჩევნო კომისიისა.





57. საარჩევნო ბარათები და კონვერტები მზადდება ცენტრალურ საარჩევნო კომისიის განკარგულებით.

ყველა წარმოდგენილი საკანდიდატო სიებისთვის მზადდება თანასწორი რაოდენობა საარჩევნო ბარათებისა.

59. ბარათები და კონვერტები დამზადებისთანავე დაეგზავნება ცენტრალური კომისიის განკარგულებით მთავარ საქალაქო, სამაზრო და საოლქო კომისიებს.

61. მთავარი საქალაქო და საოლქო წვრილი საარჩევნო კომისია ვალდებულია დაუბრუნოს თვითველს ამომრჩეველს არა უკვიანეს ორი დღისა არჩევნების დაწყებამდე თითო ცალი საარჩევნო ბარათი ყოველ გამომცხადებულ საკანდიდატო სიისა და სახელობითი მოწმობა ქალაქის ამომრჩევლებს.

იმას ვისაც უფლება აქვს მიიღოს სახელობითი მოწმობა და საარჩევნო ბარათები, მაგრამ რაიმე მიზეზის გამო არ მიუღია, მიეცემა: მოწმობა—ქალაქის მთავარ კომისიაში არჩევნების დღემდე, საარჩევნო ბარათები კი ქალაქის საუბნო საარჩევნო კომისიაში არჩევნების დღის.

62. საქალაქო და საოლქო საზოგადოების საარჩევნო კომისიები ამზადებენ პირამოქრილ საარჩევნო ყუთებს, საარჩევნო ბარათების ჩასაშვებად და უგზავნიან მათ მკირე საარჩევნო ერთეულებს.

64. თვითველ საარჩევნო შენობაში უნდა იყოს ერთი, ან რამდენიმე მოფარებული ადგილი, რომ ამომრჩეველს, არჩევნების საიდუმლოების დაურღვევლად შეეძლოს ჩასდოს კონვერტში საარჩევნო ბარათი.

67. საარჩევნო შენობაში არ შეიშვებინ: 1) შეიარაღებულნი და 2) ისინი, ვისაც ცხადათ ეტყობა, რომ მთვრალია.

68. თავჯდომარეს უფლება აქვს საკირების მიხედვით, თანახმად კომისიის დადგენილებისა, მოსთხოვოს სამოქალაქო და სახსედრო დაწესებულებას გამოუგზავნონ მილიციელები, ან ჯარისკაცები.

მილიციელები და ჯარისკაცები სავსებით ემორჩილებიან თავჯდომარის და იმყოფებიან მხოლოდ მის განკარგულებაში.

69. თუ წესრიგი დაირღვა, ან თუ ვინმე კომისიის ან მისი თავჯდომარის განკარგულებას არ დაემორჩილა, კომისიის შეუძლია დაადგინოს შეიყვანოს მილიციელები და ჯარისკაცები შენობაში სადაც არჩევნები სწარმოვებს. თუ თავჯდომარის მოთხოვნა არაა, ასე საარჩევნო შენობაში არავითარი შეიარაღებული ძალის შეყვანა არ შეიძლება.

71. საარჩევნო ბარათი ამომრჩეველმა თვითონ უნდა მიიტანოს და ჩაადოს საარჩევნო ყუთში.

73. კონვერტს რომ მიიღებს ამომრჩეველი, მიღის მოფარებულ ადგილას და იქ ჩასდებს კონვერტში საარჩევნო ბარათს, დაბრუნდება საარჩევნო ყუთთან და გადასცემს დაბეჭდილ კონვერტს კომისიის თავჯდომარეს, რომელიც მის თვალწინ ჩაადებს კონვერტს ყუთში.

76. ცენტრალური საარჩევნო კომისიის განკარგულებისამებრ დამზადებულ საარჩევნო ბარათებთან ერთად ნამდვილ ბარათებად ჩაითვლება ისინიც, რომელთა ტექსტი იმ ნაირივეა.

შენიშვნა: საპატო შემთხვევაში საარჩევნო ბარათების მაგიერ შეიძლება ნამდვილად ჩაითვალოს სუფთა ქაღალდზე ხელით დაწერილი ან დაბეჭდილი შესაფერისი ნომერი.

77. ნამდვილად არ ჩაითვლება: 1) საარჩევნო ბარათი, რომელიც არ შეეფერება მე-54, 55, 56 მუხლებს; 2) ბარათებს, რომელიც შეუესებულება; 3) ბარათი, ხელმოწერილი ამომრჩევლის მიერ, ან ისეთი, რომელზედაც წაშლილია რაიმე, ან ამოფხევილი ან ზედ რაიმე გამოსაცნობი ნიშანი აზის, ან თუ ისეთ კონვერტში დებს, რომელთაც ასეთი ნიშნები აქვთ; 4) თუ კონვერტში ერთზე მეტია ბარათი და მათი შინაარსი ერთი და იგივე არაა; თუ ერთ კონვერტში რამდენიმე ერთისა და იმავე შინაარსის ბარათი, ყველა ერთ ბარათად ჩაითვლება.

არჩევნების თავისუფლებისა და სისწორის დაცვა.

93. ვინც თავის ნებით მოაძრობს, მოახვეს, ზემოდან რასმე გადააფარებს ან შესცვლის საჯაროდ გამოფენილ საარჩევნო მოწოდებას, ცნობას ან სიას ამომრჩეველთა იმ ჯგუფებისას, რომელთაც საკანდიდატო სიები წარმოუდგენიათ, დასჯება დატუსაღებით არა უმეტეს ერთის თვის ვადისა ან დაჯარიმებულ იქნება ფულით არა უმეტეს სამასი მანეთისა.

100. ვინც პირივეთაზე ძალადობითა, დასჯელის (наказуемый) მუქარითა, მოტყუილებით, ძალაუფლების ბოროტად მომხარებით ან ეკონომიურის დამოკიდებულების საშუალებით ხელს შეუშლის საარჩევნო უფლების მქონეს თავისუფლად განახორციელოს ეს უფლება, დასჯება დატუსაღოში ჩამწყვედვით.

დასჯება აგრეთვე შეცდა ასეთის დანაშაულის ჩადენისა.

101. ვინც ძალადობის საშუალებით, მუქარით, უწყსეობის მოხდენით, საარჩევნო სიების ან საარჩევნო ბარათების დაყუთების გაფუჭებით, ან საარჩევნო კომისიის წევრებზე ძალადობის ხმარებით ხელს შეუშლის არჩევნების წესიერად წარმოებას საარჩევნო კომისიის შენობაში, დასჯება გამასწორებელ სახლში ჩამწყვედვით.

102. ვინც უწყსეობით, დამინებით ან მიმოსვლის საშუალების მოსპობით ხელს შეუშლის ამომრჩეველთა ნაწილს გიმოიყვნოს საარჩევნო უფლება, დასჯილ იქნება გამასწორებელ სახლში ჩამწყვედვით არა უმეტეს სამის წლის ვადისა.

დასჯება აგრეთვე შეცდა ასეთის დანაშაულის ჩადენისა.

104. ვინც ამომრჩეველს გადაიბრებს დაბირებით მისთვის ან მისი ოჯახის წევრისთვის პირადი ან ქონებრივის სარგებლობის მიცემით, რომ უკანასკნელმა არ მიიღოს მონაწილეობა დამფუძნებელ კრების არჩევნებში, დასჯება დატუსაღოში ჩამწყვედვით.

დასჯება აგრეთვე შეცდა ასეთის დანაშაულის ჩადენისა.

ასეთივე სასჯელით დასჯება ამომრჩეველი, რომელსაც მოუთხოვია ან მიუღია პირადი რამ სარგებლობა ამ მუხლის პირველ ნაწილში აღწერილის მიხედვით.

100. ვინც განზრახ დამახინჯებს ხმის მიცემის შედეგებს საარჩევნო ბარათების ჩამორთმევით, დათვლის ან გამოქვეყნების დროს, ან და განზრახ გააფუჭებს, ან მოიტაცებს მიცემულ საარჩევნო ბარათებს ან საარჩევნო წარმოებას, ან სიყალბით ჩაუმატებს საარჩევნო ბარათებს ან შეცვლის საარჩევნო წარმოებას, დასჯება გამასწორებელ სახლში ჩამწყვედვით არა უმეტეს სამის წლის ვადისა.

ამ დანაშაულის ჩადენის შეცდაც დასჯება.

108. ვინც, წინააღმდეგ კანონისა, გამოაშკარავებს ხმის მიცემის საიდუმლოებას დამფუძნებელ კრების არჩევნებში, დასჯება დატუსაღებით.

190. წევრი საარჩევნო კომისიისა ან სხვა თანამდებობის პირი, რომელიც განზრახ დაარღვევს დამფუძნებელი კრების საარჩევნო დებულებას იმ მიხედვით, რომ გავლენა მოახდინოს არჩევნების მსჯელობაზე ამა თუ იმ საკანდიდატო სიის სასარგებლოდ თუ საზიანოდ, თუ ამისთვის უფრო სასტიკი სასჯელი არ მოეწიის, დასჯება დატუსაღებით.

### თფილისის ქალაქის გამგეობის სასურსათო განყოფილება

ამით აცხადებს მცხოვრებთა საყურადღებოთ, რომ ამა წლის 21 იანვრიდან საუბნო სასურსათო კომიტეტში დაიწყება იანვრის, თებერვლის და მარტის სასურსათო ბარათების დარიგება. ბარათები დაურიგდებათ მხოლოდ სარაიონო და ბინის კომიტეტებს, რისთვისაც საჭიროა წარმოადგინონ: 1) ახალი ბინის წიგნები, 2) ახალი ბინის სარეგისტრაციო უწყებანი ორ ფურცელზე გადაწერილი, რომლებიც უნდა შეამოწმონ საუბნო სასურსათო კომიტეტებმა, 3) ძველი სასურსათო ბარათები, 4) პირივეების ვინაობის მოწმობები. მოწმობად ცნობილია: ა) ბასბორტი; ბ) მეტრიკული ამოწერილობა, გ) მოწმობა მილიციის უფროსისაგან მოცემული, დ) მოწმობა ბილეთი, ე) მოწმობები სხვადასხვა ეროვნულ საბჭოებისაგან მოცემული, თუ უკანასკნელთ აქვთ საკონსული დაწესებულებათა ხასიათი. სამკურნალოები, თავ-შესაფარი ბინები, პანსიონები და სხვა მაგვარი დაწესებულებანი მიიღებენ ბარათებს საბარათო განყოფილებაში.

(2-2) სასურსათო განყოფილება თფილისის ქალაქის გამგეობისა.

„კლდის“ ბებულა...  
დაიწყო...  
პირივე ვიზაჰალს

„სას. დემოკრატიული პარტია“

დავით ვახანაძის

„მუდმივი ჯარით“

სასახლსო მილიცია

მიხეილ მაჩაბაძის

„მინის საპითი“

შალვა ქარაუჭიძის

სამოღო სჯულის

სწავლების გაუქმება.

თითო წიგნის ფასი 15 შუერი.

საპარტიკლოს გაუქმება და მინის მესაპარტიკო პავში რის საბჭო.

ამით აცხადებს, რომ ყოველნაირი ცნობების მიღება და კავშირში წევრთ ჩაწერა შეიძლება შეეძღვის მისამართით: ბარათის სკის დასმართი № 8. ს. მუდრეველი საზოგადოების შენობაში.

### გათუმის პარტიკლთა

ეროვნული საბჭო ხსნის სრულ უფლებიან ქართულ გიმნაზიებს ორივე სქესისთვის საქართველოს რესპუბლიკის მთავრობის მიერ გამოძევა-ღებული პროგრამით. საბჭო სთხოვს მშობლებს, რომელთაც სურთ მიაბარონ ხსენებულ გიმნაზიაში თავიანთი შვილები მიაწოდონ ეროვნულ საბჭოს ქ. ბათუმში შემდეგი ცნობები:

- 1. სქესი მოსწავლისა,
- 2. რაოდენობა და
- 3. რომელ კლასში სურს შესვლა.

სწავლის უფლება იქნება არა უმეტეს იმისა, რაიც საქართველოს რესპუბლიკის სხვა გიმნაზიებშია. სწავლა დაიწყება ახლო მომავალში მათ, ვისც საქართველოს რესპუბლიკის გიმნაზიებში უკვე შეიტანეს მცორე ნახევარი სწავლის ფულისა, ეს ფული დაუბრუნდებათ

ბათუმის ქართველთა ეროვნული საბჭო

მიიღება ხელის მოწერა 1919 წლისათვის.  
ყოველ დღიურ გაზეთ „სალი კლდე“-ზე.  
გაზეთის ფასი:  
ერთი თვით 10 მან. | სამი თვით 25 მან. | ექვსი თვით 50 მან. | ერთი წლით 100 მან.  
ხელის მოწერა და განცხადებანი მიიღება დილის 10 საათიდან 3 საათამდე.  
გელეფონი № 18-31.  
კონტორა ქართულ ქარვასლაში, სასახლის ქ. № 5.

მეხილეთ ამახანაგობა „ქართლი“  
ამით აცხადებს, რომ მის საწუბობიდან იყიდება დიდძალი ხილი ვაგონოვით და ფუთოვით.  
როგორც კერძო პირთა, ისე დაწესებულებათათვის ფრიად ხელმისაწდომ ფასებში.  
იარმუკაში, მუხრანთან სახლი ამა „ქართლი“.